

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te u skladu člana 22. Odluke o organizaciji i djelokrugu rada uprave Grada Tuzla (Službeni glasnik Grada Tuzla" broj:4/16 i 9/17) te na osnovu preporuke Komisije za nabavke, a po provedenom postupku za nabavku roba putem konkurentskog zahtjeva za dostavu ponuda, Direktor Upravne organizacije Zavod za urbanizam, donosi

## **ODLUKU o izboru najpovoljnijeg ponuđača**

### **Član 1.**

Prihvata se preporuka Komisije za nabavke, te se ugovor za nabavku, isporuku, ugradnju IP komunikacijskog servera-telefonska centrala i WLAN ACCESSPOINT mreže dodjeljuje ponuđaču "SELECT" d.o.o. Tuzla koji je dostavio najpovoljniju ponudu, a nakon provedene e-aukcije, sa ponuđenom cijenom od 6.051,20 KM bez PDV-a odnosno, 7.079,90 KM sa PDV-om.

### **Član 2.**

Ova odluka se dostavlja ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

### **Član 3.**

Ova odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### **Član 4.**

Ova odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 12/14-D-000007-2019 od 04.04.2019.godine. Postupak nabavke je proveden putem konkurentskog zahtjeva za dostavu ponuda za koji je objavljeno Obavještenje o nabavci broj: 1004-7-1-35-3-65/19 objavljeno na Portalu javnih nabavki dana 05.04.2019.godine.

Postupak nabavke provela je Komisija za nabavke imenovana Rješenjem broj: 12/14-D-000007-2019 od 04.04.2019.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda 2 (dvije);
- da su blagovremeno zaprimljene 2 (dvije) ponude;
- da nije bilo neblagovremenih ponuda;
- da nije bilo neprihvatljivih ponuda.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom. Uvidom u priloženu dokumentaciju utvrđeno je da je ponuđač "SELECT" d.o.o. Tuzla dostavio ponudu sa najnižom cijenom, a nakon provedene e-aukcije. Obzirom da je najniža cijena bio kriterij za izbor najpovoljnije ponude, odlučeno je kao u članu 1. ove odluke.

### **POUKA O PRAVNOM LIJEKU**

Protiv ove odluke može se izjaviti žalba u roku od 5 (pet) dana od dana prijema ove odluke Uredu za razmatranje žalbi putem ugovornog organa.

**Bosna i Hercegovina  
Federacija Bosne i Hercegovine  
Tuzlanski kanton  
GRAD TUZLA  
UO Zavod za urbanizam  
Broj: 12/14-D-000007-2019  
Datum, 24.04.2019.godine**

**Direktor  
UO Zavod za urbanizam  
  
Selma Imamović, dipl.ing.arh.**